




МОНГОЛБАНК
МОНГОЛ УЛСЫН ТӨВ БАНК



ВАЛЮТЫН ХАНШ





Энэхүү гарын авлагыг “Олон нийтийн санхүүгийн суурь мэдлэгийг дээшлүүлэх хөтөлбөр”-ийн хүрээнд боловсруулав.

Монголбанкны зөвшөөрөлгүйгээр товхимолыг цахим болон хэвлэмэл байдлаар, бүтнээр, эсхүл хэсэгчлэн хувилах, хэвлэх бусад хэлбэрээр түгээхийг хориглоно.

© Монголбанк

Үнэгүй тараагдана.



ӨМНӨХ ҮГ

“Иргэн баян бол улс баян” гэдэг. Энэ нь иргэн бүр эрх, үүргээ ухамсарлан, өөрийн амьдрал ахуйд эзэн болж чадвал улс орны хөгжил өөдрөг сайн байхыг өгүүлж буй хэрэг билээ. Нөгөө талаас, аливаа улсын хөгжлийн эрхэм зорилго бол ард иргэдийнхээ сайн сайхан аж байдлыг дээшлүүлэх явдал байдаг. Энэ зорилгод хүрэхэд улс орон эдийн засгийн хувьд чадамжтай, хувь хүмүүс ашиг орлого, хөрөнгө мөнгө сайтай байх нь их чухал. Төр засаг дангаараа энэ зорилгыг биелүүлэхэд хүч хөрөнгө дутах тул ард иргэдийн үүрэг, хувь нэмэр, идэвх санаачилга, оролцоо хэрэгтэй юм.


Хүний хязгааргүй хэрэгцээг хангах нөөц хүрэлцдэггүй нь хүн төрөлхтний бүх түүхэн дэх гачлан байлаа. Гэхдээ бид хязгаарлагдмал нөөцөөр хязгааргүй хэрэгцээгээ хангахын төлөө тэмүүлдэг. Тэгвэл хэрэгцээгээ сайтар хангахын тулд хязгаарлагдмал нөөц, хөрөнгө мөнгийг зөв зарцуулахад хувь хүний санхүүгийн ухаалаг төлөвлөлт томоохон байр суурь эзэлнэ. Хувь хүн та өөрийн бүхий л талын нөөц бололцоог дайчлах, нийгэм, эдийн засаг, санхүүгийн үйлчилгээний талаарх өөрт хэрэгтэй мэдээллийг олж авах, олж авсан үнэн зөв мэдээллээ шийдвэр гаргах, сонголт хийхдээ оновчтой хэрэглэх, зөв мэдлэг, чадвар, хандлагыг төлөвшүүлэхэд энэ сурах бичиг Танд тус болох нь дамжиггүй.

МОНГОЛБАНК
ОЛОН НИЙТИЙН БОЛОВСРОЛ, МЭДЭЭЛЛИЙН ТӨВ

1. Валют гэж юу вэ?

Валют: Гадаад, дотоод төлбөр тооцоонд хэрэглэгдэж байгаа аль нэг улсын мөнгөн тэмдэгтийг хэлнэ.

Зураг 1.4. Валютын ангилал



2. Валютын ханш гэж юу вэ?

Валютын ханш: Аль нэг улсын валютыг өөр нэгэн улсын валютаар илэрхийлсэн үнэ юм. Өөрөөр хэлбэл тухайн улсын нэгж валют өөр улсын валютын хэдэн нэгжтэй тэнцэхийг харуулдаг үзүүлэлт юм. Жишээ нь: АНУ-ын 1 ам.доллар = 2427 төгрөг гэх мэт.





Валютын ханш буюу гадаад валютын үнэ уг валютын **эрэлт, нийлүүлэлтээр** тодорхойлогдоно.

- Жишээлбэл, гадны орон руу аяллаар явах үеэд хэрэглээний бараа бэлэг дурсгалын зүйлс, хоол хүнс, зочид буудлын төлбөр бусад бүтээгдэхүүн худалдан авахад гадаад валют зайлшгүй хэрэг болдог. Энэ нь гадаад валютын эрэлтийг бий болгож буй нэг жишээ юм. Монгол Улсад гадаадын жуулчид ирж ам.доллар эсвэл евро зэрэг гадаад валютаа солиулан бараа бүтээгдэхүүн худалдан авч байгаа нь эсрэгээрээ валютын нийлүүлэлтийг нэмэгдүүлж буй жишээ болно.

ТАНЫ СОНОРТ



1990 онд Монгол Улс зах зээлийн эдийн засагт шилжин орсон. Зах зээлийн эдийн засаг гэдэг нь бараа, үйлчилгээний үнэ чөлөөт үнийн системийн дагуу тодорхойлогддог эдийн засгийг хэлнэ.

ТОГТМОЛ ХАНШИЙН ДЭГЛЭМ

Валютын тогтмол ханшийн дэглэмийн үед тухайн улсын төв банк үндэсний валютын бусад улсын валюттай харьцах ханшийг тогтмол түвшинд барих бөгөөд үүний тулд төв банк нь гадаад валютын хангалттай нөөцтэй байх шаардлагатай.

Давуу тал:

- Валютын ханш тогтмол байх тул тодорхой бус байдал багатай
- Импортын барааны инфляцийн дарамт харьцангуй бага

Сул тал:

- Мөнгөний бодлогын бие даасан байдал алдагддаг.
- Төлбөрийн тэнцэл зах зээлийн зарчмын дагуу тэнцвэрждэггүй.



ЧӨЛӨӨТЭЙ ХӨВӨГЧ ХАНШИЙН ДЭГЛЭМ

Чөлөөтэй хөвөгч ханшийн дэглэмийн үед төв банк үндэсний валютын ханшийг зах зээлд чөлөөтэй хэлбэлзэж байхыг хүлээн зөвшөөрдөг бөгөөд төв банк валютын захад оролцдоггүй.

Давуу тал:

- Төв банк мөнгөний бодлогоо эдийн засгийн нөхцөл байдалд тохируулан хэрэгжүүлэх боломжтой.
- Төлбөрийн тэнцэл зах зээлийн зарчмын дагуу тэнцвэржих нөхцөл бүрдэнэ.

Сул тал:

- Валютын зах зээлд огцом хэлбэлзэл бий болох эрсдэлтэй.
- Валютын ханш суларснаар импортын барааны инфляцын дарамт нэмэгддэг.

ЗОХИЦУУЛАЛТТАЙ ХӨВӨГЧ ХАНШИЙН ДЭГЛЭМ

Зохицуулалттай хөвөгч ханшийн дэглэмийн үед валютын ханш валютын эрэлт, нийлүүлэлт буюу валютын урсгалаар тодорхойлогдох боловч валютын захад ханшийн огцом хэлбэлзэл бий болсон үед Төв банк хэлбэлзлийг зөөлрүүлэх зорилгоор гадаад валют худалдах, худалдан авах байдлаар зах зээлд оролцдог.

Давуу тал:

- Зах зээлийн ханшийн өөрчлөлтөд дасан зохицох, хүлээлтээ удирдах боломжийг олгосноор ААН-үүд үйл ажиллагаагаа тогтвортой удирдан явуулах нөхцөлийг бүрдүүлдэг.
- Мөнгөний бодлого эдийн засаг, санхүүгийн салбарын тогтвортой байдлыг хангах чиглэлд үр дүнтэй хэрэгжих боломжтой.

Сул тал:

- Төв банк тодорхой хэмжээгээр гадаад валютын нөөцтэй байх шаардлагатай.



ТАНЫ СОНОРТ



Монгол Улсын хувьд 1992 он хүртэл тогтмол ханшийн дэглэмтэй байжээ. Харин 1996 онд Төв банкны тухай хууль батлагдсанаар зохицуулалттай хөвөгч ханшийн тогтолцоотой болсон. Өөрөөр хэлбэл валютын ханш эрэлт, нийлүүлэлтийн тэнцвэрээр тодорхойлогдоно.

1. ХАНШ = **ВАЛЮТЫН ҮНЭ**

2. **ВАЛЮТЫН ҮНИЙГ ЮУ ТОГТООДОГ ВЭ?**

ЭРЭЛТ > НИЙЛҮҮЛЭЛТ → **ҮНЭ ӨСНӨ**

ЭРЭЛТ < НИЙЛҮҮЛЭЛТ → **ҮНЭ БУУРНА**

3. **ЭРЭЛТ НИЙЛҮҮЛЭЛТГИЙГ** ЮУ ШИЙДДЭГ ВЭ?

НИЙЛҮҮЛЭЛТ = ВАЛЮТЫН ОРОХ УРСГАЛ + ХҮЛЭЭЛТ

ЭРЭЛТ = ГАРАХ УРСГАЛ + ХҮЛЭЭЛТ

3. Валютын ханшид нөлөөлдөг хүчин зүйлс

Валютын ханшид валютын эрэлт, нийлүүлэлт болон ханшийн талаарх олон нийтийн хүлээлт шууд байдлаар нөлөөлдөг.



ЭРЭЛТИЙН ХҮЧИН ЗҮЙЛС

Иргэд, ААН-ийн орлого өссөнөөр тэдгээрийн худалдан авах чадвар нэмэгдэж тэр хэрээрээ дотоодод болон гадаадад үйлдвэрлэсэн бараа үйлчилгээ худалдан авах эрэлт нэмэгдэнэ.

- Жишээлбэл, гадаадад аялах, шинэ машин, гар утас худалдан авах боломжтой болсноор уг барааны төлбөрт зориулан гадаад валют худалдан авах нь валютын эрэлтийг үүсгэж буй юм.

Ижил төрлийн импортын бүтээгдэхүүний үнэ буурснаар дотоодод үйлдвэрлэсэн барааг импортын бараагаар орлуулан валютын эрэлтийг нэмэгдүүлнэ.

- Жишээлбэл, импортын гурил, Монголд үйлдвэрлэсэн гурилын аль алийг хэрэглэдэг хүмүүсийн хувьд импортын гурилын үнэ буурахад уг гурил ижил чанартай ч үнийн хувьд дотоодод үйлдвэрлэсэн гурилаас хямд болох тул импортын гурил хэрэглэх хүмүүсийн тоо нэмэгдэнэ. Улмаар уг гурилын хэрэглээ нэмэгдсэн тул тус гурилыг худалдан авахад зарцуулах валютын хэмжээ өөрчлөгдөж байна.

НИЙЛҮҮЛЭЛТИЙН ХҮЧИН ЗҮЙЛС

Нийлүүлэлтэд Монголоос гадагш худалдаж буй экспортын бараа, үйлчилгээний орлого, гадаадын хөрөнгө оруулалт зэрэг Монгол Улсад валютын урсгал оруулах үйл ажиллагаанууд нөлөөлдөг.

- Жишээлбэл, манай улсын хөрөнгө оруулалт, засаглалын тогтолцоо сайн байвал Монголд хөрөнгө оруулах сонирхол нэмэгдэж улмаар энэ нь Монгол Улс руу чиглэх валютын урсгалыг нэмэгдүүлдэг. Хууль, засаглалын цаана хөдөлмөрийн бүтээмж, тухайн улсын өрсөлдөх чадвар гэх мэт зүйлс валютын нийлүүлэлт нэмэгдэхэд дам байдлаар нөлөөлдөг.

Дээр дурдсан эрэлт болон нийлүүлэлтийн хүчин зүйлсийн нөлөөгөөр валютын ханш нь байнга хэлбэлзэж байдаг байна.



ТАНЫ СОНОРТ

Монголбанк валютын зах зээлд хэрхэн оролцдог вэ?

Санхүүгийн зах зээлд цочрол үүсгэх мэдээлэл гарах үйл явдал тохиолдоход зах зээлд оролцогчид сандралд орох, улмаар бүгд нэгэн зэрэг эзэмшиж буй валютаа зарах, эсвэл гадаад валют худалдан авах гэх мэт үйлдэл хийдэг бөгөөд энэ нь зах зээл дэх эрэлтийг огцом нэмэгдүүлэх эсвэл бууруулах замаар банк, санхүүгийн тогтолцоог тогтворгүй болгох, компаниуд дампуурах зэрэг эрсдэл дагуулдаг. Иймд богино хугацааны шинжтэй энэ мэт зүйлсээс сэргийлж зах зээлийг хэвийн ажиллуулах нөхцөлөөр хангахын тулд зарим тохиолдолд төв банкнаас валютын захад оролцож үүссэн нөхцөлийг зөөлрүүлж эдийн засаг, санхүүгийн системд тогтворгүй байдал үүсэхээс сэргийлж байдаг. Монголбанкнаас зах зээл дэх илүүдэл эрэлт, нийлүүлэлтийн мэдээллийг авах, валютын ханшийн богино хугацааны огцом хэлбэлзлийг зөөлрүүлэх зорилгоор гадаад валютын дуудлага худалдааг долоо хоног бүрийн Мягмар, Пүрэв гарагуудад явуулдаг.

ХҮЛЭЭЛТ

Богино хугацаанд валютын ханшийн хөдөлгөөнд эрэлт, нийлүүлэлтийн хүчин зүйлсээс гадна зах зээлд оролцогчдын хүлээлт нөлөөлдөг.

- Жишээлбэл, японоос машин худалдаж авах гэж буй Бат, гадагшаа их сургуулийн төлбөрөө төлөх гэж буй Дорж ойрын хугацаанд ам.долларын ханш буурч, төгрөгийн ханш чангарна гэж бодож байгаа бол Бат, Дорж хоёр гадагш төлөх валютаа өнөөдөр худалдан авахгүй аль болох ам.долларын ханш хямдрахыг хүлээнэ.
- Эсрэгээрээ өөрийн урласан ноолууран хувцсыг Европын зах зээлд нийлүүлдэг Цэцэгээ төгрөгийн ханш чангарна гэж үзэж байгаа бол борлуулалтын орлогоос олсон валютаа цаг алдалгүй худалдан төгрөгт хөрвүүлэхийг бодно.



Энэ мэтчилэн зах зээлд оролцогчдын хүлээлтээс шалтгаалан гадаад валютын эрэлт, нийлүүлэлт өөрчлөгдөж байдаг тул богино хугацаанд валютын ханшид хүлээлтийн хүчин зүйлс нөлөөлдөг. Оновчтой, зөв хүлээлт бүрэлдэхэд зах зээлийн мэдээллийг баттай эх сурвалжаас шуурхай авах, түүнийг боловсруулах чадвар чухал.

4. Валютын ханшийн өөрчлөлт бидний амьдралд хэрхэн нөлөөлдөг вэ?

Зураг 1. Валютын ханшийг хэн зарладаг вэ?

БАНК БОЛОН БАНК БУС САНХҮҮГИЙН БАЙГУУЛЛАГА

Харилцагчдын валютын эрэлт, нийлүүлэлтийн хэмжээнд үндэслэн валютыг худалдах, худалдан авах өөрийн ханшийг тогтооно.

МОНГОЛБАНК

Валютын зах дээр арилжааны банкуудын худалдсан, худалдаж авсан гадаад валютын арилжааны дундаж ханшийг зарладаг. Монголбанкнаас зарласан ханшийг шүүх, гаалийн тооцоо болон нягтлан бодох бүртгэлд ашиглана.



Валютын ханшийн өөрчлөлт бараа, үйлчилгээний үнээр дамжин иргэдийн амьжиргаанд нөлөөлдөг. Хэрэв гадаад валютын ханш өсвөл гадаадад худалдаж буй экспортын барааны үнэ, гаднаас авч буй импортын барааны үнэ нэмэгдэнэ. Хялбар жишээ бодож үзье.

Хүснэгт 1. Ханшийн өөрчлөлтийн үнэд үзүүлэх нөлөө

| Хугацаа | Ам.долларын ханш | Барааны нэр | Ам.доллаароор илэрхийлсэн үнэ | Төгрөгөөр илэрхийлсэн үнэ |
|------------|------------------|--------------------|-------------------------------|---------------------------|
| 2017-01-01 | 2,489 төг | 1 кг чихэр | 2 ам.доллар | 4,978 төг |
| 2018-01-01 | 2,427 төг | 1 кг чихэр | 2 ам.доллар | 2,854 төг |
| 2017-01-01 | 2,489 төг | 1 ш ноолууран цамц | 50 ам.доллар | 124,450 төг |
| 2018-01-01 | 2,427 төг | 1 ш ноолууран цамц | 50 ам.доллар | 121,350 төг |

Дээрх жишээнээс үзэхэд барааны хэмжээ, төрөл, гадаад зах зээлээс худалдан авсан үнэ өөрчлөгдөөгүй байна. Гэтэл долларын ханш өссөнөөс шалтгаалан төгрөгөөр илэрхийлсэн чихрийн үнэ буюу хэрэглээний зардал, ноолууран цамцны үнэ буюу үйлдвэрлэлийн орлого аль аль нь өссөн байна. Энэ мэтчилэн гадаад валютын ханшийн өөрчлөлт валютаар худалдан авдаг бүх бараа, үйлчилгээний үнэд нөлөөлдөг. Үүнээс үзвэл валютын ханш өссөнөөр импортын хэрэглээний зардал өндөр болох тул энэ үед орлуулан хэрэглэж болох эх орны үйлдвэрийн бараагаар хэрэгцээгээ хангавал валютын ханш өссөн ч хэрэглээний зардал нэмэгдэхгүй байх боломжтой. Ийнхүү хэрэглэгчдийн хувьд барааны үнэ өөрчлөгдөхөд үүнд тохируулан барааны сонголтоо уян хатан хийдэг байх нь бараа бүтээгдэхүүний үнэ зах зээлд үр ашигтай, бодитой тогтоход чухал ач холбогдолтой.

Харин эсрэгээрээ үйлдвэрлэсэн бүтээгдэхүүнээ гадны зах зээлд борлуулж буй компанийн орлого валютын ханш өсөхөд нэмэгддэг.



5. Валют хаанаас худалдан авах вэ?

Бага дүнтэй валютыг арилжааны банк, банк бус санхүүгийн байгууллага, валют арилжааны төвүүдээс тухай өдрийн самбарын ханшаар авах боломжтой.

- Жишээлбэл, та АНУ-д сурч буй дүүдээ 1000 ам.доллар шилжүүлэх хэрэгтэй болсон гэж бодъё. 1000 ам.долларыг банкнаас худалдаж аваад, түүнийгээ шилжүүлж болно. Эсвэл үүнээс арай бага ханшаар бэлэн валютын ухаас валютаа худалдан авч, түүнийгээ банкаар дамжуулан шилжүүлж болно.

Харин их хэмжээний валют худалдан авах, эсвэл зарах хэрэгтэй бол та ямар ханшаар худалдах вэ?


Барааны бөөний болон жижиглэнгийн үнүүд ялгаатай тогтдогийн адил банк ч мөн өндөр дүнтэй валютын арилжаа хийхдээ ханшийг самбарын ханшаасаа ялгаатайгаар харилцагчтайгаа харилцан тохирдог.

ТЭГВЭЛ ИХ ДҮНТЭЙ АРИЛЖААНУУД ЯМАР ХАНШААР ХИЙГДЭЖ БАЙГААГ ХЭРХЭН МЭДЭХ ВЭ?





Их хэмжээтэй арилжааны хувьд мэдээллийн дутмаг байдлаас шалтгаалан иргэд, аж ахуйн нэгжүүд ямар ханшаар их дүнтэй арилжаа хийхээ мэддэггүй. Мөн нэгдсэн мэдээлэлгүйн улмаас өндөр дүнтэй валютын арилжаа хийх гэж буй этгээд арилжаа хийхийн тулд банкуудтай нэг бүрчлэн холбогдож мэдээлэл авах шаардлагатай болдог нь цаг хугацаа алддаг сөрөг талтай.





Иймд зах зээл дэх мэдээллийн хүртээмжтэй байдлыг нэмэгдүүлэх, валютын захын дэд бүтцийг сайжруулах зорилгоор Монголбанк банк хоорондын валют арилжааны цахим талбарыг 2017 оны 4 дүгээр сард ашиглалтанд оруулсан. Ингэснээр банк хоорондын өндөр дүнтэй валютын арилжаа хэдий хэмжээгээр, ямар ханшаар хийгдэж буй мэдээллийг нээлттэй түгээж эхэлсэн. Мөн өндөр дүнгээр валютын арилжаа хийх этгээд нь өөрийн харилцагч банкаар дамжуулан уг талбарт оролцон арилжааг шуурхай хийх боломжтой болсон.



МОНГОЛБАНК
MONGOL ULSYN TӨV БАНК

Ил төд байдал
Шилдэг данс

English 
Нэвтрэх 

Бидний тухай
Мөнгөний бодлого
Валютын зах
Санхүүгийн тогтвортой байдал
Төлбөрийн систем
Статистик

Хайж

Статистик

Мөнгө, санхүүгийн статистик

Гадаад секторын статистик

Статистик Мэдээллийн Сан

Макро эдийн засгийн статистик мэдээллийн нэгдсэн сан

Хэрэглээний үнийн статистик / ХҮИ/

Мөнгө, хадгаламж, зээлийн статистик

Ханшийн статистик

Алт, мөнгөний үнэ

Орон сууцны үнийн индекс

Төв банкны үйл ажиллагааны статистик

Засгийн газрын үнэт цаас

Банкны хүү, шимтгэл, хурдамжийн мэдээлэл

Дамжуулан олгох төслийн зээл

Статистик мэдээлэл тархаах хуваарь

НҮҮР / СТАТИСТИК / ХАНШИЙН СТАТИСТИК

Буцах

Банк хоорондын цахим талбарын валют арилжаа

| Огноо | Жигнэсэн дундаж ханш (USD) | Арилжсан хэмжээ (USD) | Жигнэсэн дундаж ханш (CNY) | Арилжсан хэмжээ (CNY) |
|------------|----------------------------|-----------------------|----------------------------|-----------------------|
| 2018/08/08 | - | - | - | - |
| 2018/08/07 | - | - | - | - |
| 2018/08/06 | 2451 | 200000 | - | - |
| 2018/08/03 | 2454 | 902924 | - | - |

Сүүлийн сарын бичлэгийг харах бол энд дарна уу

Банк хоорондын цахим талбарын валют арилжааны ханш *

| Огноо | Авах (USD) | Зарах (USD) | Авах (CNY) | Зарах (CNY) |
|------------------|------------|-------------|------------|-------------|
| 2018/08/08 14:30 | 2452.00 | 2457.00 | - | - |
| 2018/08/08 12:30 | 2452.00 | 2457.00 | - | - |
| 2018/08/08 11:30 | 2452.00 | 2457.00 | - | - |
| 2018/08/08 10:30 | 2452.00 | 2457.00 | - | - |
| 2018/08/07 16:30 | 2453.00 | 2458.00 | - | - |
| 2018/08/07 15:30 | 2453.00 | 2458.00 | - | - |
| 2018/08/07 14:30 | 2451.00 | 2458.00 | - | - |
| 2018/08/07 12:30 | 2451.00 | 2458.00 | - | - |
| 2018/08/07 11:30 | 2451.00 | 2458.00 | - | - |
| 2018/08/07 10:30 | 2451.00 | 2458.00 | - | - |
| 2018/08/06 16:30 | 2451.00 | 2456.00 | - | 358.00 |
| 2018/08/06 15:30 | 2451.00 | 2456.00 | - | 358.00 |
| 2018/08/06 14:30 | 2451.00 | 2456.00 | - | 358.00 |

* Тухайн үед цахим талбарт идэвхитэй байгаа валют худалдах, худалдан авах саналын ханш



ТАНЫ СОНОРТ

Валютын талаарх статистик мэдээллийг Монголбанкны цахим хуудасны гадаад секторын статистик цэсний Төлбөрийн тэнцлийн тайлан, Гадаад худалдааны тойм, Гадаад өрийн тайлан, Гадаад секторын тойм, Гадаадын хөрөнгө оруулалтын позиц зэрэг тайлангаас үзэх боломжтой. Дээрх тайлан, мэдээнүүд нь валютын зах зээлд үүссэн нөхцөл байдлыг бодитой дүгнэх, валютын ханшийн талаарх ирээдүйн хүлээлтээ зөв тодорхойлоход өндөр ач холбогдолтой юм.

The screenshot shows the website of the State Bank of Mongolia (Mongolbank.mn) with the URL https://www.mongolbank.mn/statistic.aspx?cid=01. The page is titled "Гадаад секторын статистик" (Foreign Sector Statistics). The main content area lists several statistical reports:

- Төлбөрийн тэнцлийн статистик
- Гадаад хөрөнгө оруулалтын позицын статистик
- Гадаад өрийн статистик
- Гадаад секторын тойм
- Гадаад худалдааны тойм
- Түүвэр судалгаа
- Тайлан мэдээ, бүртгэлийн маягт
- Журам, заавар, аргачлал
- Гадаад секторын зөвлөлгөөн

The left sidebar contains a navigation menu with the following items:

- Статистик
- Мөнгө, санхүүгийн статистик
- Гадаад секторын статистик
- Статистик, Мэдээллийн Сан
- Макро эдийн засгийн статистик мэдээллийн нэгдсэн сан
- Хэрэглээний үнийн статистик /ХТҮ/
- Мөнгө, хадгалалч, зээлийн статистик
- Ханшийн статистик
- Алт, нөмгөний үнэ
- Орон сууцны үнийн индекс
- Төв банкны үйл ажиллагааны статистик
- Засгийн газрын үнэт цаас
- Банкны хуу, шингэл, хуралын мэдээлэл
- Дэмжүүлэн олгох төслийн зээл
- Статистик мэдээлэл тархах хувиар

“Хүн нэг өглөө босоод л
санхүүгийн мэдлэгтэй болдоггүй”

Шон мэнди
(Дэлхийн банкны зөвлөх)











ТӨСӨВЧИН
Аппликэйшн



Энэхүү аппликэйшн нь өөртөө хуримтлал тооцоологч,
хадгалагч, зээл тооцоологч, ипотек, төсөвлөгч зэрэг
тооцоолууруудыг багтаасан.

www.sankhuuginbolovsrol.mn



-  /Mongolbank.mn
-  /Санхүүгийн боловсрол
-  @mongolbank_mn
-  www.mongolbank.mn
-  /Mongolbankmn
-  info@mongolbank.mn
-  11 310081